

10-D15-Sy قولو أن شاء الله

مرحباً. كيفكُن؟ أنا اسمي غسان مهنا. أنا بالأصل من اللاذقية. بس إجيت عالشام مِشان ادرس بجامعة دِمَشَق. وتخرجتُ من كلية التجارة، قسم إدارة الأعمال. وبعد ما تخرجتُ اشتغلت بعدة وظائف. بس ما كنت مبسوط بالشغل لأنو الشغل كان كثير مُملّ. كلّ يوم نفس الشي. بجي عالمكتب الساعة تمانية ونِصّ الصُبح. بالحقيقة، أيام كثير كنت أتأخّر للساعة تسعة. بقعد بالمطعم لتنتين بعد الظهر. بشتغل شوي، بقرا جرايد، بحكي مع رفقاتي الموظفين بالمكتب. وبعدين برجع عالييت. وكمان المعاش كان كثير قليل. بدي اتجوّز وأعمل عايلة. بس ما معي مصاري كثير، وما ممكن أعيش من الوظيفة بس.

فمِشان هيك، عَمِلتُ بزيز صغير عالإنترنت. أنا بعمل صفحات عالإنترنت لبعض المحلات والشركات الصغيرة. يعني كل شغلي عالكمبيوتر.

كل يوم، بعد الشغل برجع عالييت، بتغدى، بنام شوي، وبعدين بروح بقعد بقهوة فيها إنترنت. ويسهر لحدّ الساعة وحدة، وحدة ونص بالليل. وبشرب أرجيلة. على فكرة، أنا بحب الأرجيلة كثير.

الحمد لله. الشغل ماشي كتير مريح. وإنشالله بالمستقبل بيكبر أكثر وأكثر. يعني هالأ صار معي شوية مصاري، وصار ممكن اشوف بنت حلال أجوّزها. قولو إنشالله.

طيب. أنا تأخرت. وصار لازم اروح بِسُرْعَة. لأنو عندي موعد.
باي.